

Date: n.d. [c. March 1556]¹

REF: GD112/39/1/8

Place:

From: James Campbell of Lawers

To: Colin Campbell of Glenorchy

Address: To ane honorable man Collin Campbell of Glenwrquhay

Honorable Sir efter mest hertle commendatioun to
zou zour bedfallowe and my godsoun Duncan ...d
mervellis yat ze send nevir ansur of na vrytingis
I send to zou nocht ye les ze mon perdone me to
seik zour faworis quhylk I vyll ewir do yat ze sall
hef ne faill till lay to my cherge bot sal keip all
parttis contenit in zour last kontrak betuix zou and me.
Attour Sir ze sall vit I hef gottin zour assedatioun and
set of ye half landis of Laweris daittit at Fordaw
ye tent day of November anno xlvij zeris quhylk I belef
and belevis ye sammyn and ye tenendis half as zit be
in my porsession and yat ze suld nocht tak ye faill
nor half tendis yairof ze kepend zour kontrak. Sir I pray zou
pardon me to debet my rychts as law abill seyn ze
vill nocht consent yat zour veill awyisit frendis and myne ch...oss
and gyf thar gud consall for veill of uss bayth sic zour
broyer Lard Rewen and zour frend ye Iustic Clerk callit in
befor zour servand Anddro Qhyt quhay hed ther credence
to schewe zou for veill of zou and me as ye thocht richt I vat
nocht gyve yis be cumin to zour knowlege or nocht. Attour Sir or
ze cawss me mak exspensis in ye Lawers I pray God be juge
and belewit ze suld hef fawourit me better nor Master John
Robertson. For ze get of me better penne vortstis nor I ...
of Master Johne to writ foryair it is bot veyn for God and zour self
knawis ye verette. And God keip zou be zour cousyng at command.

James Campbell of Lawers

¹ Lawyers took legal action to make Grey Colin fulfil his contract of 6 May 1555, 17 March 1556, Clan Campbell, 8, 29.